

345/1
RUNYANKORE-RUKIGA
Orupapura rw'Okubanza
2024
Eshaaha 2



UGANDA NATIONAL EXAMINATIONS BOARD

Uganda Certificate of Education

RUNYANKORE-RUKIGA

Orupapura rw'Okubanza
Okuhandiika n'Okuhindura

Eshaaha ibiri

EBIRIKUKURATIRWA ABARIKUBUUZIBWA

Orupapura oru rucwirwemu ebicweka bibiri; A na B.

*Garukamu ebibuuzo **bibiri** byonka.*

*Omu kicweka A harimu ebibuuzo **bibiri**, 1(a) na (b). Tooranamu kimwe.*

Ekicweka B, kiine kukorwa buri mwegi.

Handiika ebigarukwamu byawe byona aha rupapura orundi orwakuheebwa

EKICWEKA A OKUHANDIIKA

Eki

- 1. (a)** *Toorana ekyakuheebwa ahaifo ohandiikye ebigambo ebiri ahagati ya 150-200.*

Munywani waawe ayangire kwega kandi obwo ari omu mwaka gw'aha muheru haza tikyakukora gye. Iwe nka munywani we muhandikire orikworeka oku waakubaasa kumuhwera kwenda ngu agume omu ishomero.

Nari

- (b)** *Toorana omutwe ogwakuheebwa oghandiikyeho ekihimbo ky'ebigambo ebiri ahagati ya 350-400.*

Ekiteekateeko ky'okukoresa amasimu omu mashomero haza omu nshomesa y'eriigyenda tikishemeize bazaire baingi. Mukuru w'eishomero ayetsire orukiiko rw'okushoboorera abazaire ahabwenki esimu nizeetengwa omu kwega kw'abeegi. Iwe nk'otoorainwe kujwekyera abeegi bagyenzi baawe omu rukiiko oru, handiika orikushagika enteekateeka y'okukoresa amasimu.

EKICWEKA B

OKUHINDURA

2. Habaireho ekiro ky'okwijuka okurinda eby'obuhangwa ebitwetooroire namunonga ebibira omu kyanga kyawe. Mukuru w'ebyebibira omu disiturikiti obaire naaza kuba omugyenye mukuru tiyaija kwonka yaayohereza obutumwa bwe aha migasho y'ebibira omu buhandiikye omu Rungyereza. Abantu baingi omu kyanga kyawe tibarikumanya Rungyereza. Hwera abantu abo kutunga obutumwa obwo omu Runyankore-Rukiga.

Forests are places with many trees; big and small. They are of great importance to both human beings and animals. Human beings benefit from forests by using timber in the construction of houses and bridges. Timber is also used to make furniture such as chairs, beds, sideboards and other items that are used to decorate homes.

Another importance of forests is that some tree barks and leaves are used as medicine to cure diseases. Similarly, the tree barks can be used in paper making.

In areas where they grow coffee and tea, trees are used to protect them against strong wind that would destroy such crops.

Animals benefit from forests and they also depend on grass, roots, fruits and even leaves as their food.

Forests help in rain formation and bring about positive climate change. Ugandan government and other international organisations that are responsible for environmental protection have put much emphasis on forest conservation to avoid the disaster of environmental degradation.

345/1
RUNYANKORE-RUKIGA
Paper 1
2024



UGANDA NATIONAL EXAMINATIONS BOARD

Uganda Certificate of Education

RUNYANKORE-RUKIGA

Orupapura rw'Okubanza
Okuhandiika n'Okuhindura

SCORING GUIDE

1. Okuhandika(Oburemeezi/weight 20)

Endeebeka y'ekihandiiko

- Endagiriro y'omuhandiiki
- Ebiro by'okwezi
- Amabanga/Ebitiinis
- Eiziina

Obubonero

Ebintu 4	04
Ebintu 3	03
Ebintu 2	02
Ekintu 1	01
Tiyayoreka kantu	00

Obutumwa

- Okwanjura/Endamutsyo
- Enshonga
- Ekigyendererwa/Ebirungi by'okushoma
- Okutunga emirimo mirungi
- Okugira obukugu/obuhangu/omwoga omu kuhandiika, omu kushoma n'omukugamba
- Okukora emikago erikwombeka
- Okujumbura ebintu bisya
- Emituurire mirungi
- Okutunga sente
- Ekitiinisa omu bantu
- Okugira obugaiga
- Okugira obushwere burungi
- Okuhaisa abazaire ekitiinisa

Obubonero

Obutumwa 6+

03

Obutumwa 3-5	02
Obutumwa 1-2	01
Tihaine butumwa bwona	00

Enkozesha y'orurimi

- Empandiika 2.1.0
- Enyombeka n'enkozesha y'ebigambo omu bibazo 2.1.0
- Obutaanisa bihandiiko 1.0

b) Okuhandiika

Ebikuru

- Kuhwera abeegi kucondooza ebibatarikumanya
- Nizihwera abeegi kushomera aha intaneti
- Okwohererezaho n'okutungiraho eky'okukora baaba nibashoma
- kubiikaho ebibashomire
- Ebitabo tibirikwemariirira, n'ahabw'ekyo esimu nizibahwera omu kushoma
- Okuhandiika ebi barikushoma
- Okutungiraho ebishare by'eishomero kuruga omuka.

Obutumwa obwahandiikwa gye 3.2.1.0

- Ebikuru 5+	- 03
- Ebikuru 3-4	- 02
- Ebikuru 1-2 nainga obutumwa obutahandiikirwe gye	- 01
- Tihariho butumwa	- 00

Entebekanisa y'ekihandiiko 4.3.2.1.0

- Omutwe
- Enyanjura
- Ekihandiiko ky'onyini
- Okuhendera

Obubonero

Ebintu 4	04
Ebintu 3	03
Ebintu 2	02
Ekintu 1	01
Tiyaayoreka kantu	00

Enkozesa y'orurimi

- Empandiika 2.1.0
- Enyombeka n'enkozesa y'ebigambo omu bibazo 2.1.0
- Obutanisa bihandiiko 1.0

2. Okuhindura (Oburemeezi/weight 20)

Emigasho y'ebibira/Amahamba

- Emiti neekoresibwa omu kukora/kubaija ebintu nk'entebe n'ebindi
- Kwombeka amaju néntindo
- Ebishushu by'emitu hamwe n'amababi nibirugwamu emibazi erikutamba endwara
- Okukora empapura
- Okukingira ebihingwa omuyaga/eihunga
- Ebibira n'obutuuro/obutaaho bwényamaishwa
- Ebibira nibihwera/nibiyamba omu kukora enjura
- Nibireetaho empindahinduka nungi yóbwire

Obubonero

- Emigasho 4+	03
- Emigasho 2-3	02
- Omugasho 1	01
- Tiyaayoreka mugasho gwona	00

345/2
RUNYANKORE-RUKIGA
Orupapura rwa Kabiri
2024
Eshaaha 2½



UGANDA NATIONAL EXAMINATIONS BOARD

Uganda Certificate of Education

RUNYANKORE-RUKIGA

Orupapura rwa Kabiri

Okushoma, Okufunza n'Ebyemicwe n'Emitwarize

Eshaaha ibiri n'ekicweka

EBIRIKUKURATIRWA ABARIKUBUUZIBWA

*Orupapura oru rucwiremu ebicweka **bishatu**; A, B na C.*

*Garukamu ebibuuzo **bishatu** byonka.*

*Ebicweka **A** na **B** biine kukorwa buri mwegi*

*Omu kicweka **C**, tooranamu ekibuuzo **kimwe**.*

Handiika ebigarukwamu byawe byona aha rupapura orundi orwakuheebwa

EKICWEKA A OKUSHOMA

1. *Shoma ekitebyo ekyakuheebwa ogarukyemu ebibuuzo ebirikukurataho.*

AK'OYEHINGIIRE KAKWIGUTSA

Warujerere akaba amanya ogw'okuhondeeza ny'omushana, abandi baaba bagiire kukora emirimo y'okubatunga. Omwabazyo ku gwabaire gukiika aza aha muryango gw'akaina ke, ebyeshongoro biza ahaiguru. Okaba ohurira agumize ati; jerere jerere! Abajerere bagyenzi be bakaba bamwakiira ebyeshongoro biteekyerana. Warujerere akaba agwejegyera nyomushana.

Okwehingira ebyokurya akabiikaho eby'okwija kurya bwanyima, Warujerere akaba atakwetaho. Akaba ayesiga okutunga ebinagirwe omu mbungo z'abandi.

Wankoroto we akaba agira oburyo, aguma naayehenenga, buriizooba ahiiga ebyokurya. Ebimwe akaba abihunika omu mbisho ye. Akaba naayetega ati; "Nyensya eifa ku ririba ryataahire nshangwe nyine omushako ogurinyiha omuri rwaranda. Embisho ya Wankoroto ku yaabaire eherize kwijura n'aha bunwa omushana gwayaka, ekyanda kyataaha ahabw'okushiisha ebyobuhangwa. Ekyakuratsireho, obukooko obwetwa Kanyaananga bwarya emikamba. Enzigye nazo zaacwekyereza ebihingwa ebindi eby'amababi. Ebihingwa n'ebinyaatsi byayoma byarimbuka. Ensi yaakarangatana. Eifa rwaranda ryabuga ekyanga kyona. Abaabaire baine ebihunikirwe omu bitara byabo, nari ebitindikirwe ahandi nibo baayesiimire.

Eifa ku ryataahire, Warujerere yaatandika kwekambiika omushumi yaatimbatimba omu mwegyeko gw'eka ye arikuronda aku araanagye omunda, kwonka kaaburamu. Bwanyima yaagira ati; "owaakuza owa Wankoroto." Byayenda ndabumushumbire. Ky'okufa mpemuka!

Warujerere yaagyenda naashotooka, enjara yaamuhotoire. Yaayeturira Wankoroto, yamwetondera ati; "Niinye munywani waawe Warujerere ou otuura noohurira naayeshongora nyekiro." Wankoroto amubuuza ati; "Waareetwa ki owangye, kwotakira kwijayo? Orwari rwawe, mpaho ngu n'ebyeshongoro, nyowe kantarikubaasa kurwemera n'okurwehitsya haihi?"

Warujerere ati, "Naareetwa enjara, erikwenda kundenzya orugo. Niyo yamputa ngu nkwehongyere ntafa. Nyabura we ntambira, naakweshengyereza. Nimpamya ngu embisho yaawe eyijwire endyaga ei orikwija kuryaho eri ifa ryona kandi ekashaagaho."

Wankoroto akabanza yaamusyorera ati, "Mutaahi wangye, beitu shi okubura eky'okutamira omu ifa iwe togira kitara nk'abandi bashaija? Obu abandi baba nibatayo emikono n'ebigyere iwe oba orahi?"

Warujerere ati, "Embisho yangye enkuru ekaigara. Nkabura obwire bw'okwetimbira endiijo. N'eby'okuhunikamu tingira bwire bw'okubihiga. Nyomushana nsiiba ngwejegyeire. Ekingwejegyeza kityo omu ihangwe

n’ahabw’okugabwa ndaara ninjerajera, ninteera entogoro ekiro kyona okuhitsya omukasheeshe”.

Wankoroto akabinga Warujerere, yaataho n’okumuseetera ati, “Tuntumuka rwata, ondugire omu ka. Za kutungwa ebijengo n’entogoro ebi oraaramu.” Nk’oku bagira ngu, “Ofubire aiba nyina.” Abaana babiri ba Wankoroto, omwojo na munyaanya bagabwa nibakunda Warujerere ahabw’okujerera kwe, baasharamu kumwibira ebyokurya bwanyima ya ishebo kugyenda.

Wankoroto akaba naakira kutsiga abaana be aha mbisho ngu hatagira owaiba ebyokurya bye. Izooba eryo, ishebo ku yaateire naaza ei abashaija barirengyeza, nyamwojo agambira munyaanya ati, “Toirooko okagambira Warujerere akaija tukamuha ak’okurya taata atakagarukire?” atyo, nyamwishiki ataragaza, aho naaho amureeta Warujerere, bamwibira omwate gw’oburo omu mbisho, baagumeemeera otwizi, atyo Warujerere agurigata ahurira yaagarukwamu amaani.

Warujerere ati, “Ni mwebare baana bangye, ninkabazinire, jerere jerere” atyo amirw’ensi. Ku haahweireho akaanya kakye, Warujerere agaruka aine obwoki abuheereza abaana abo baatandika kunuriiriza. Atyo aza omu mbisho ayihamu ebyokurya byona ebi yaabaire naayenda, akira rwaranda egyo.

Obwoki ku bwahweire, nyamwishiki ati, “Taata naatumara!” Nyamwojo ati, “huumura.” Nyamwishiki ati, “Hariho ou tutashereka, ou tutareeba, kwonka oguma naatureeba obwire bwona. Oguma naamanya ebiteekateeka byona, naahurira n’ebi tugamba byona. Tihariho na kimwe eki asherekwa. Kandi ogwo atagira eki asherekwa aba Ruhanga, na mbwenu ebi twaba nituteekateeka, ebi twaba nitwetenga n’ebi twagamba, n’ebi twakora byona. We yaabimanya”.

Ebibuuzo:

- (a) Shoboorora oburemeezi oburikuruga omu kubyama abandi nibakora, kurugiirira aha kitebyo eki.
- (b) Ekihandiiko eki nikihwera kita abantu b’omu disiturikiti yaawe kumaraho enjara rwaranda?
- (c) Ebikorwa ebiri omu kitebyo eki nibihwera bita omushomi waakyo kutuura gye omu bantu?
- (d) Yoreka oku enfumu “Ofubire aiba nyina” ei omuhandiiki akoreise omu kitebyo erikweyoreka omu bikorwa by’abaana beriigyaenda.

EKICWEKA B

OKUFUNZA

2. *Shoma ekihandiiko ekyakuheebwa bwanyima ohandike omu bigambo ebitarikurenga **makumi mukaaga (60)** orikworeka ahabw'enki bakuru b'amashomero bashemereire kushagika emizaano omu mashomero gaabo kurugirira aha kihandiiko eki.*

Obwegyese bushemereire kuhwera omwegi kugira empinduka nungi omu miteekateekyere, omu micwe, omu nyikiriza kandi n'omu bi arikubaasa kukora. Gumwe aha mihanda y'okuhikiiriza ebi n'emizaano. Nambwenu niyo nshonga ahabw'enki ekitongore ekirikukurira eby'obwegyese n'emizaano omuri Uganda kirikuteeraho ebiro by'emizaano omu mashomero.

Abeegi b'amashomero nibeetaba omu mizaano bahayahayana kureeba omwegi oraasinge abandi, nk'oku kiri omu bigyezo. Amashomero nigahayahayana kuruga aha rurengo rwa disiturikiti kuhika aha rurengo rw'eihanga ryona kwenda kureeba eishomero eriraasinge agandi na bwanyima rikaheebwa ekikopo ky'okworeka obusinguzi.

Hariho emizaano mingi erikuzaanwa omu mashomero nk'omupiira gw'ebigyere, omupiira gw'engaro, okwiruka, okuguruka, okurekyera orubango, okurekyera ekibaare n'endiijo, nk'oburyo bw'abeegi kuruhuuka baaheza okwega okw'omu bibiina. Eki nikibahwera kuguma nibakunda okushoma okw'ebitabo, emitwe yaabo yaaba etaruhire.

Emizaano erikukira obwingi neezaanirwa omu tiimu kandi tiimu erikugira obwebembezi burungi neekira kusinga ezindi ahabw'okukwatanisa n'okukorera hamwe kw'abazaani baayo. Eky'okureeberaho n'omuzaano gw'omupiira oguzaanwa abantu ikumi n'omwe omu tiimu. Bamwe omu bazaani baayanga kukwatanisa n'abandi, nikyorobera tiimu endiijo kubasinga.

Emizaano yoona eine ebiragiro ebirikugitegyeka yaaba neezaanwa kandi buri muzaani ashemereire kubikuratira. Omuzaani orikugira emicwe mibi omu kishaayi naabingwamu omushazi w'empaka z'omuzaano ogwo. Eki nikireetera tiimu ye yaasingwa. Mbwenu, omuzaani weena ashemereire kugira emicwe mirungi kandi akakuratira ebiragiro by'omuzaano ogu arikuzaana.

Omu mizaano yoona, habamu owaasinga n'owaasingwa. Eki abazaani bashemereire kukimanya batakatandikire kuzaana kwenda kwerinda okuguubwa kubi n'endwano za bwanyima. Abarikusinga omu muzaano nibashemererwa kandi abarikusingwa bashemereire kugumisiriza n'okugira amatsiko ngu nibaija kusinga omu bwire oburikwija. Eki nikibahwera kukora n'amaani ogundi murundi kwenda ngu nabo basingye.

Amashomero agamwe tigarikwetaba mu mizaano n'obu Ekitongore ky'Ebyobwegyese kiraabe nikishaba amashomero goona kugiraho ebiro by'emizaano. Eki nikireetera abeegi omu mashomero ago baafeerwa akagisha k'okuyazya eshagama n'okuhwera emibiri yaabo kuguma ehamire gye.

N'ekintu kirungi abeegyesa kuhiga abeegi boona omu mashomero kwejumbira omu mizaano ahabw'okuba nikibaasa kuhwera abeegi abarikukora gye omu mizaano kuheebwa omugisha gw'okushomera busha kandi bakeeyongyera kukuza entaranta zaabo. Eky'okureeberaho, omwiruki mukuru Kiprotich ou baingi turikwesiimisa omuri Uganda akatandika kwiruka akiri omu ishomero. Eki kikamuhwera kwetaba omu mpaka z'okwiruka ahu yaasingire abandi bairuki akaheebwa ebiconco n'esente nyamwingi.

EKICWEKA C

EMICWE N'EMITWARIZE

Eki

3. Abantu bamwe nibagyezaho kwenda ngu enjugano zirugyehe kandi obwe kitwire kiri kikuru omu Banyankore n'Abakiga. Orikwema aha micwe n'emitwarize y'Abanyankore n'Abakiga, handiika enteekateeka yaawe.

Nari

4. Okucondoza okukozirwe abarikukurira eby'emicwe n'emitwarize y'Abanyankore n'Abakiga nikworeka ngu eminyeeto mingi neeshanga oburemeezi bwingi omu bushwere ahabw'okutakuratira ebishemereire kukorwa omu mugyenzo gw'okuriima. Orikwema aha birikukorwa omu mugyenzo ogu, handiika orikushoboorora oku oburemeezi obu bwakubaasa kumarwaho omu bushwere.

345/2
RUNYANKORE-RUKIGA
Paper 2
2024



UGANDA NATIONAL EXAMINATIONS BOARD

Uganda Certificate of Education

RUNYANKORE-RUKIGA

Orupapura rwa Kabiri

Okushoma, Okufunza n'Ebyemicwe n'Emitwarize

SCORING GUIDE

1. Okwetegyereza ebyashomwa(oburemeezi 20)

(a) 2.1.0

- Okubura ebyokurya
- Okushabiiriza
- Okuhemuka
- Okuba omukyene/Omworo
- Okubeiha
- Okwibisa abandi/Okwiba
- Okwefuuzza

(b) 2.1.0

- Okwehingira ebyokurya
- Okuhunika ebyokuryaomu bwire bw'omweru nari bw'eishaaruura
- Okubyara emit
- Okurinda ebyobuhangwa ebiriho
- Okuhinga ebyokurya ebirikumara obwire buraingwa bitarikusiisikara/bitasiisikaire
- Okwombeka ebitara
- Okubiika amaizi maingi omu bwire bwénjura

(c) 2.1.0

- Okutiina Ruhanga
- Okukora námaani/Okuba omwekambi
- Okuhwera/Okuyamba enshoberwa
- Okurinda ebyóbuhangwa
- Okukwatanisa nábandi
- Okweteekateekyera nyetsya
- Okukora emikago mirungi

(d) 2.1.0

- Oku enfumu erikweyoreka omu bikorwa by'abaanaa b'eriigyenda.
- Abaana okwiba sente z'abazaire
- Abaana kurya ebishare by'eishomero kurabira omu kuteera zaara
- Abaana kubura kukuratira ebihaburo by'abazaire baabo
- Abaana kuguza ebibanja by'abazaire baabo

Obubonero

3-4	02
1-2	01
Busha	00

2. **Okufunza(Oburemeezi/weight 10)**

- Kuha abeegi oburyo bwókuruhuuka/okuruhuukwa/okuhuumuza ebiteekateeko
- Kwega kukwatanisa nábandi
- Okubangura abeegi omu byóbwebembezi
- Kwega okugira okugumisiriza
- Kuhwera abeegi kukuza entaranta
- kutunga sente
- Okuyazya eshagama nókuhwera emibiri yaabo kuguma egumire gye
- Kukunda kukora námaani
- Ni kireeta emicwe mirungi
- Okwegyera busha omu mashomero
- Okurangaanwa.

Obubonero

- Obutumwa obwine ebikuru 4+	03
- Obutumwa obwine ebikuru 2-3	02
- Obutumwa obwine ekikuru 1 nainga obutumwa obutarikushoboororwa	01
- Busha	00

3. Eby'emicwe n'emitwarize (Oburemeezi/weight 10)

Ebikuru 3.2.1.0

Enteekateeka aha njugano

- Ebirungi by'okuha enjugano
- Kuhamya omukago ahagati y'amaka gombi
- Kuhamya obushwere
- Akamanyiso ka rukundo aha mukazi/omwishiki
- Kusiima abazaire b'omwishiki/Akasiimo k'abazaire
- Enjugano niziheereza omwojo omuhimbo gwókukora n'amaani
- Néitungo aha bazaire b'omwishiki
- N'ensibuko y'emigisha kuruga aha bazaire b'omwishiki
- Omukwe naatunga ekitiinisa omu maka agu yaashweramu
- Niziteera abazaire omuhimbo gw'okureeberera gye abaana b'abaishiki

Obubonero

- | | |
|---|----|
| - Obutumwa obwine ebirungi 7+ | 03 |
| - Obutumwa obwine ebirungi 3-6 | 02 |
| - Obutumwa obwine ekirungi 1-2 nainga obutumwa obutarikushoboororwa | 01 |
| - Busha | 00 |

4. Eby'emicwe némitwarize

Ebikuru 3.2.1.0

- Ku orikuriima oyebuuza aha bazaire n'abandi bantu kutunga obuhabuzi
- Ku orikuriima oyebuuza ahari baashwenkazi na baashwento bakuhabura otakashweire nari kushwerwa.
- Ku orikuriima obuuririza aha migyenzo y'obushwere ei oine kukuratira haza kikuwera kukora enshobe omu bushwere nyensya.
- Okuriima kurimu okucondooza aha ka ei orikuza kushweramu nari kushwerwamu kumanya emitwarize yaabo omanyanya yaaba noiya kugibaasa nainga otaraije kugibaasa.

- Okuriima kurimu okukwatanisa hamwe n'abazaire n'abanyaruganda omu kuronda omukundwa haza kikuwera kumanya ebi orikuba otarikumanya aha mukundwa waawe.
- Okuriima kurimu okumanya obukomooko bw'omukundwa waawe oyehara kushwera omunyabuzaare nari kwehara amahano omu bushwere.
- Okuriima kurimu kumanya oruganda n'emitwarize y'omukundwa waawe kwenda ngu otashwera omunyaruganda nari omunyabuzaare.
- Okuriima kurimu okumanya omuryango n'omuziro gw'omukundwa waawe haza kikuwera kwerinda amahano omu bushwere nk'okuzaara abaana b'ebibuza buryo.
- Okuriima kurimu okubuuririza kumanya yaaba baine endwara z'akarande kwenda ngu muzaare abaana b'amagara marungi.
- Okuriima kurimu okubuuririza aha mukundwa waawe kumanya yaaba naaruga omu maka g'abakozi nari abatungi kikuwera kumanya yaaba naija kukwombeka nari kukugarura ahansi.

Obubonero

- Obutumwa obwine ebikuru 7+	03
- Obutumwa obwine ebikuru 3-6	02
- Obutumwa obwine ekikuru 1-2 nainga obutumwa obutarikushoboororwa	01
- Busha	00